



18.
 QUÆSTIO MEDICA,
 QUODLIBETARIIS DISPUTATIONIBUS
 MANE DISCUTIENDA
 IN SCHOLIS MEDICORUM.

Die Martis 16 mensis Februarii 1722.

M. GABRIELE-ANTONIO JACQUES,

DOCTORE MEDICO, PRÆSIDE.

An in morbis curandis Medicamentorum incerta quantitas?

.T.

MEDICAMENTORUM natura nostram
 alterat, redacta prius in actum à calore nobis
 infuso: omnis verò posita in quatuor elementorum
 ad generationem concurrentium mixtione, quæ
 cum temperamento prorsus eadem est: ea mixtio

2
propria cuique *ἰσοσυγκρασία* nominatur, ac licet nullâ certâ demonstratione definiri possit, tamen artificiosâ conjecturâ in ordines quatuor ad medendi usum valdè necessarios distinguitur, respectu corporis humani, quod in rerum natura medium tenet ad pondus & exquisitè temperatum, velut mensura rerum omnium.

I I.

PRO vario medicamentorum ordine variæ medicamentorum instituendæ doses, quæ estimantur numero, pondere, mensurâ, mole. Ad numerum referri potest frequentia medicamenti gradum & dosim compensans. Quæ longiùs abscedunt à nostrâ naturâ, parciora, & rariora esse debent, ut metallica, chymica, & venenata omnia, speciëis & proprië alexiteriis destinata. Quæ ad nostram temperiem, consuetudinem, & substantiam propriùs accedunt, ut plurima plantarum & animalium genera, liberaliùs, & frequentiùs usurpanda, modò sint *εὐπολῆτα*: in quibus vilissimis & vulgò notissimis Medicinæ dignitas magis elucet.

I I I.

LEGITIMA gradûs limitatio, & dosis verâ æstimatio indicatur ab affectûs, qui contra naturam corpori insidet, magnitudine, & affectu cuiusque corporis naturâ: extremis morbis extreme exquisita remedia sunt optima: sed quibus

5

simul, & semel, aut sæpius, plura an pauciora particularim adhibenda, vel exhibenda sint considerandum: Condonandum etiam aliquid consuetudini, quæ velut altera natura est. Ab ætate, tempore, & regione, nulla medicamentorum qualitas, nec ulla quantitas indicatur.

I V.

SINGULARIS natura corporum affectorum humano ingenio comprehendere nequit, nec circumscribi potest accuratè morbi magnitudo; quæ à malignitate nihil quidquam differt, nec aliud est, quàm ejus, qui à peculiari naturâ sit recessus, quantitas. Hujus fidelissimus & æquissimus æstimator habebitur, qui conjector erit optimus ex internis, externisque causis, ac symptomatis, quæ mox apparent, aut superveniunt, & cujusque loci laborantis conditione.

V.

EX his tam incertis nulla certa demonstratio quantitatis medicamentorum esse potest, sed tantum conjectura opem experientiæ flagitans: quæ ut secunda sit, nec ægro molesta, rationis ductu à levioribus utilibusque medicamentis ad vehementiora, sed innoxia progredietur, quæ morbum quidem expellant, naturam partis vel totius corporis tueantur, & robovent. Unde lectissimorum medicamentorum præparatio necessaria, & com-

posioio solemnis in nostris opiatīs, electuariis, pilulis, ceterisque confectionibus, quarum non certior quidem dosis, sed securior, quàm simplicium, vel extractorum.

Ergo, in morbis curandis, Medicamentorum incerta quantitas.

Domini Doctores disputaturi.

- | | | |
|--|---|---|
| M. Joannes Besse, Medicus
Domus Regia. | M. Joan. Bapt. Thomas Martinus,
Scholarum Professor. | M. Jac. Benignus Winslow,
Regia, Scientiarum Academia Socius & Gallica
Chirurgia Professor. |
| M. Antonius de Jussieu, Regia
Scientiarum Academia,
& Botanices in Horto Regio
Parisensi Professor. | M. Franciscus Poussin. | M. Ludovicus Guillon. |
| M. Joannes Baptista Silva,
Serenissimi Ducis Borbonis
Medicus ordinarius. | M. Thomas-Bernardus Bertrand. | M. Joan. Baptista Fermelhuis,
in Regia Artium Academia
Socius honorarius. |

Proponebat Parisiis ANTONIUS CASA-MAJOR, Benear-
nensis, Baccalaureus Medicus, A. R. S. H. 1722. à sextâ ad meridiem.